



Engaschi a favur da la biodiversitad

Ils voluntaris dal SCI svizzer èn s'engaschads per l'ambient en Engiadina Bassa.

7



La cumpignia da mats sin la Garvera

La Cumpignia da mats Sumvitg/Cumpadials ha festivà l'emprim d'avust cun ina bella survista.

4

südostschweiz

LA QUOTIDIANA

FMR Fundaziun Medias Rumantschas, Via da Masans 2, 7000 Cuirà, 081 544 89 10, redacziun@fmr.ch

■ ENGIADINA

75 ans Uorsin

(gd) L'istorgia d'iffaunts «Uorsin da la s-chella» festagescha il giubileum da 75 ans. L'exposiziun illa Chesa Planta a Samedan algorda als artists Selina Chönz ed Alois Carigiet chi haun s-chaffieu l'ouvra cumparsa dal 1945. Traunter ils preschaints sun eir *Not e Tilly Schlegel* chi haun giuvo las rollas dad Uorsin e Flurina scu iffaunts da desch ed ünbesch ans. Il film chi'd es gnieu fat dal

1953 nu s'ho però mè vis in Svizra. Divers discuors, scu per exaimpel dal mainagestium da la fundaziun Chesa Planta *Robert Grossmann*, dal cusglier federel *Ignazio Cassis* e dal president cumünel da San Murezzan *Christian Jott Jenny* haun traunter oters clarificho l'importanza ed il success internaziunel da l'istorgia.

> PAGINA 8

■ SURSELVA



Plazs sin campadis ufficials ein stai tschercai il davos temps.

FOTO H. HUONDER

Situaziun nuncuntenteivla

(fmr/hh) **Ils davos meins ein lohghens solitaris stai tschercai. Era da biars campaders.** Quellas frequenzas han surtut las vischnauncas cun vias da pass sentiu. Gliעד cun mobils d'habitar ha fatg excursiuns els cuolms ed ei stad sur notg enzanua sin in plaz. Quei ha entschiet gia baul la primavera cu las restricziuns davart il coronavirus ein idas en vigur ed ussa che las piazzas da campar ein per gronda part occupadas cumpleinamein ei quei

iu vinavon aschia. Ton la vischnaunca da Tujetsch sco quella da Medel vegnan a tscherca soluziuns co dar il damogn a quella situaziun egl avegnir. En Val Tujetsch stat in'engronaziun dalla piazza da campar en discussiun, en Val Medel d'eventualmeins scaffir in plaz public per campaders. In tal ei denton era cumbinaus cun investiziuns per exempel en indrezs sanitaris.

> PAGINA 5

■ GRISCHUN CENTRAL

Purschida da verdura indigena

(fmr) L'onn 2018 è vegnida fundada l'uniun «Nanin Verd» per promover la verdura indigena. Oz dumbra l'uniun radund 40 commembras ed ins ha rimnà bleras experienschas co ins po cultivar e vender la verdura frestga. La finamira da l'uniun saja da procurar ch'i dettia buna verdura en la val e da barattar

enconuschienschas ed experienschas. Adina puspè hai dà midadas da structuradas ed ins è adina avert per novas ideas, ha la presidenta *Anna Bompadre* manegià. L'uniun furnescha verdura indigena tant per privats sco per la gastronomia.

> PAGINA 6

Brunch cun Parmelin

DA MARTIN CABALZAR/FMR

■ **La pandemia da corona ha er influenzà quest onn schizun nosa festa naziunala da l'emprim d'avust. Ella hà limità il dumber da solvers purils, da fieus e festas, plets e parolas.** La presidenta da la Confederaziun *Simonetta Sommaruga* ha onurà sin la prada istorica dal Rütli 54 represchentantas e represchentants dals chantuns sco eroxs dal mintgadi. Quai en represchentanza da l'entira populaziun svizra che saja sa mussada solidarica enten dar dumogn a la crisa da corona, saja quai en ils ospitals, en las scolas, en las stizuns e tranter vischins. A Cuirà ha cusseglier federal *Guy Parmelin* prendi part dal brunch sin il bain da Plankis e la saira ha el tegnì il pled festiv en l'aclaun da Cavaione en il Puschlav. El ha accentuà la fidanza e confidenza sco motors per surventscher las sfidas da l'avegnir.

> PAGINA 2



Cusseglier federal Guy Parmelin ha giudi il brunch sin il bain puril da Plankis a Cuirà.

FOTO MARTIN CABALZAR

Fö per l'arder chaltschina

■ (fmr/fa) Las ultimas eivnas ha üna trentina da voluntaris ramassà cun rapreschaintants da la società «kalkwerk» in Val S-charl crappa da dolomit. 15 tonnas da quels craps cun chaltschina vegnan uossa ars a Sur En illa chalchera chi'd es gnüda restaurada e tutta in funcziun darcheu da l'on 2017. In sonda saira ha *Joannes Wetzel* chi'd es expert per arder chaltschina impizzà il fö illa chalchera. Quel mumaint da quist fö particular han festagià insembel commembers da la società, voluntaris ed interessats da la regiun e d'uttrò. In avegnir less la società chi vain presidiada da l'architecta *Delphine Schmid* intermediar il know how «lavorar cun chaltschina» a giarsuns müraders e pitturs ed ad oters interessats.

> PAGINA 7

«En sesez eis ei gie bi sche la gliעד vegn tier nus.»

Il president da la vischnanca da Tujetsch Martin Cavegn e la problematica dals campaders selvadis- Pagina 5

Gudiu la purschida e la cumpignia



(fmr/hh) Malgrad coronavirus ha la Pro Juventute Cadi saviu organisar il pass da vacanzas 2020. Biebein 250 affons e giuvenils da Vuorz entochen Rueras ein separticipai, la purschida ei danovamein stada animonta e varionta.

Pagina 3



10032
9 771424 749004

Servetsch d'abunents e da distribuziun: tel. 0844 226 226
mail: abo@somedia.ch